






刻梨嶽集序



建州盖當閩上郡東南十五里有山如覆  
釜之山者為梨嶽余登其上盖有唐刺史  
李公祠云公祠梨嶽故遂稱梨嶽并以名  
其集集凡二卷乃不佞少所服膺僅選彙  
中數篇耳他固未皇講談要以其精鑿于  
致而藻績于詞超乘元和而布侯壇坫去  
輓近不已霄壤哉公之所為郡即以概于  
今祠若節春秋來祀事豈以為王卮無當

者則今太守龔公之所稱三不朽者具是  
矣是集也龔公以不佞糾其遺課授副墨  
之子先繇元本而校近梓及茲三為役矣  
龔公屬書離詞壹意古昔為郡則與民休  
息猶之置赤子於懷其於三不朽也惟其  
有之是以似之余猶記前太守張公為郡  
時虎攫人于野不佞嘗代張公為文祭梨嶽  
虎輒渡河去此今集所不載也因備及之  
萬曆丙申五月三日莆口陳善

梨嶽詩集序

梨山詩百九十五篇唐都官員外郎建州  
刺史

李王之所作也昔王刺此州有異政遺愛  
廟食梨山垂五百載大赫厥靈肇啓王封  
紹定間埜客過于建西山先生真公語之  
曰梨山詩人也予欲刻其集未果子盍往  
謁之埜謝未暇後七年埜來守茲土記真  
公語求其詩祠下不可得乃得之京城書



肆中喟然歎曰王之治建尚禮法明條教  
當亂世摧寇不敢起死又能大庇其民無  
水旱疫癘盜賊之蓄所謂百世祀者也其  
遺吟舊編騷人文士之所諷詠而流傳者  
不藏之茲山非缺典歟於是命工鋟梓以  
報王之德以成真公之志夫風雅莫盛於  
唐王以秀悟該洽之姿發為清逸精深之  
語友方干壻妣合故能名于當時傳之後  
世豈偶然哉窮山深麓之中虹光夜起則

知茲詩之所在矣嘉熙三年仲春望日金  
華王埜謹序







真文忠公獻

梨嶽狀

德秀復有微懇干冒

聖威仰惟

靈佑福應威濟昭惠王在唐之季來守建  
安實有惠政故自騎雲帝鄉之後邦人懷  
之廟于梨山以祀以享著于唐史事迹可  
稽此學古之士所共知也惟是詩篇遺文  
藏在三館學者無自而見焉德秀願以私



錢刊梓于廟庶永其傳耳俾奉祠祝者鬻之以為鄉火之助惟神其幸聽之

唐書文藝傳

李頻字德新睦州壽昌人少秀悟逮長廬西山多所記覽其屬辭於詩尤長與里人方干善給事中姚合名為詩士多歸重頻走千里丐其品合大加獎挹以女妻之中八年擢進士第調秘書郎為南陵主簿判入等再遷武功令於是畿民多藉神策軍吏以其橫類假借不敢繩以法頻至有神策士尚君慶逋賦六年不送睥然出入





間里頻密槩比伍與競君縣叩縣廷質頻  
即械送獄盡條宿惡請於尹殺之督所負  
無少貸豪猾大驚屏息奉法縣大治有六  
門堰者廢廢百五十年方歲饑頻發官廩  
庸民浚渠按故道廝水溉田谷以大稔懿  
宗嘉之賜緋衣銀魚俄擢侍御史守法不  
阿徇遷累都官貲外郎表丐建州刺史既  
至以禮法治下更布條教時朝政亂盜興  
相推寇而建賴頻以安卒官下喪婦父老

相與扶柩塋永樂州為立廟梨山歲祠之  
天下亂盜發其冢壽昌人隨加封掩云

桀嶽詩集目錄

唐建州刺史李頻德



湖口送友人

鄂州頭陀寺上方

寄遠

題張司馬別墅

長安即事

漢上逢同年崔八

五月一日蒙替本官不得隨例入



關感懷獻送相公

春閨怨

送邊將

大和公主還宮

將赴黔州先寄本府中丞

和友人下第北遊感懷

樂遊原春望

黃雀行

長安寓居寄柏侍郎

春日思歸

朔中即事

感懷獻門下相公

贈長城庾將軍

浙東獻鄭大夫

鏡湖夜泊有懷

宣州獻從叔大夫

賀同年翰林從叔舍人知制誥

吳門別主人

自黔中歸新安

奉和鄭薰相公

及第後還家過峴嶺

春日旅舍

過長江傷賈島

自遣

寄曹鄴

述懷

客洛酬劉駕

題釣臺障子

題陽山顧鍊師草堂

聞金吾妓唱梁州

游蜀回簡友人

贈涇州王侍御

夏日宿秘書姚監宅

過嵩陰隱者

留別山家

送人遊吳



東渭橋晚眺

送延陵帝少府

淮南送人歸滄州

夏日題盤屋友人書齋

尋山

送元遂上人歸錢唐

貽友人喻坦之

送友人往振武

賦得長城斑竹杖

送德清喻明府

送薛能少府任盤屋

送許壽下第歸東山

冬夜酬范祕書

送陸肱尉江夏

漢上送西歸

蜀中逢友人

寄范評事

南遊過湘漢卽事寄友人

送許渾侍御赴潤州

喜友人厲圖南及第

送友人下第歸越

寄友人

送友人下第歸宛陵

秋夜對月寄鳳翔范書記

送孫明秀才往潘州訪韋卿

八月十五夜對月

及第後書

過巫峽

送友人往太原

旅懷

送裴御史赴湖南

送姚郃先輩赴汝州辟

初離黔中泊江上

黔中酬同院韋判官

和范秘書襄陽舊遊

秋夜山中思歸寄友人



自黔中東歸旅次淮上

江夏春感舊

眉州別李使君

送許棠及第歸宣州

黔中罷職將泛江東

長安書事寄所知

酬姚覃

春日鄜州贈裴居言

送于生入蜀

送許棠歸涇縣作尉

友人話別

山居

寄范郎中

書懷

越中行

春日南遊寄浙東許同年

明州江亭夜別段秀才

臨岐留別相知

鄂渚湖上即事

辭夏口崔尚書

秦原早望

送友人之揚州

過四皓廟

陝下懷歸

送徐處士歸江南

鄜州留別王從事

長安夜懷

冬夜山中尋友

送劉山人歸洞庭

古意

避暑

送吳祕書歸杭州

中秋對月

八月上峽

送狄明府赴九江

陝下投姚諫議

關東逢薛能

富春贈孫璐

送友人遊蜀

夏日蓋屋郊居寄姚少府

送劉山人歸洞庭

送胡休處士湘江

峽州送清徹上人歸浙西

送僧入天台

回山後寄范鄴先輩

長安送友人東歸

深秋過源宗上人房

秋日登山閣

送宋震先輩赴青州

題棲霞寺上人院

送友人入蜀

贈同官蘇明府

送厲圖南往荊州覲伯

山中夜坐



送台州唐興陳明府

夏日過友人檀溪別業

自江上入關

冬夜和范祕書宿祕省中作

送友人遊太原

江上寄山客

送張郎中赴睦州

送鄂渚韋尚書赴鎮

送崔侍御書記赴山北座主尚書招辟

入朝遇雪

勉力

郊居寄友人

送陸肱歸吳興

暮秋重過山僧院

送新安少府

送人歸吳

送姚評事

題棲雲寺立上人院

黔中罷職過峽州題田使君北樓江上

送從兄群玉校書東游

宛陵東峰亭與友人話別

華山尋隱者

題薦福寺僧栖白上人院

游四明山劉樊二真人祠題山下孫氏

居

和太學趙鴻博士歸蔡中

送壽昌曹明府

哭賈島

送薛能赴鎮徐方

送鳳翔范書記

岐山逢陝下故人

送友人陸肱往太原

贈李將軍

送友人喻坦之歸睦州

尋華陽隱者

長安即事



送友人遊塞北

陝府上姚中丞

送供奉喻鍊師歸天目山

之任建安綠溪亭偶作二首

送侯郎中任新定二首

送太學吳康仁及第南歸

陝州題河上亭

留題姚氏山齋

長安書懷投知己

送姚侍御充渭北掌書記

長安書情投知己

府試丹浦非樂戰

府試風雨聞雞

府試觀蘭亭圖

府試老人星見

省試振鷺

寄辛明府

苑中題友人林亭



投京兆府試官任文學先輩

宋少府東溪泛舟

聞北虜入靈州二首

送友人下第歸感懷

贈桂林友人

長安感懷

題長孫桐樹

渡漢江

嵩山夜還

目錄終

梨嶽詩集

唐建州刺史李頻德新

湘口送友人

中流欲暮見湘煙，葦岸無窮接楚田。去鴈

遠衝雲夢澤，一作雪離人獨上洞庭船。風波

盡日依山轉，星漢通宵向水連。零落梅花

過殘臘，故園歸醉及新年。

鄂州頭陀寺上方

高寺上方無不見，天涯行客思迢迢。西江

帆過東風急夏口城衝一作街楚塞遙沙渚  
漁歸多濕網桑林蚕後盡空條感時嘆物  
尋僧話惟向禪心得寂寥

寄遠

槐欲成陰分袂時君期十日復金扉槐今  
落葉已將盡君向遠方猶未歸化石早曾  
聞節婦沉湘何必獨靈妃須知此意同生  
死不學他人空寄衣

題張司馬別墅

庭前樹盡手中栽先後花分幾番去聲開  
巢鳥戀雛驚不起野人思酒去還來自拋  
官與青山近誰訝一作料身為白髮一作日催  
門外尋常行樂處重重履迹在莓苔

長安即事

長遇豪家不敢過此身誰與取高科故園  
久絕書來後南國空看鴈去多中夜永懷  
聽疊漏先秋歸夢涉層波愁人白髮自生  
早我獨少年能幾何



漢上逢同年崔八

去歲曾遊帝里春杏花開過各離秦偶先  
托質逢知己獨未還家作旅人世上路岐  
何繚繞空中光景自逡巡一回相見一離  
別能得幾時年少身

五月一日蒙替本官不得隨例入闕

感懷獻送相公

五月傾朝謁紫宸一朝無分在清塵含香  
已去星郎位衣錦惟思婺女隣折獄也曾

為俗吏勸農元本是耕人知將何事酌公

道只養生靈似養身

春閨怨

紅粧兒女窓下羞畫眉夫婿隴西頭自怨  
愁容長照鏡悔教征戍覓封侯

送邊將

防秋戎馬恐來奔詔發將軍出鴈門遙領  
短兵登隴首獨橫長劔向河源悠揚落日  
黃雲動莽蒼陰風白草翻若縱干戈更深



入應聞收得到崑崙

太和公主還宮

天驕發使犯邊塵。漢將推功遂奪親。離亂  
應無初去貌。死生難有却回身。禁花半老  
魯攀樹。宮女多非舊識人。重上鳳樓追故  
事。幾多愁思向青春。

將赴黔州先寄本府中丞

八月瞿塘倒底翻。孤舟上得已銷魂。幕中  
職罷猶趨府。闕下官成未謝恩。丹嶂聳空

無過鳥青林。覆水有垂猿。感知肺腑終難  
說。從此辭歸便掃門。

和友人下第北遊感懷

聖代為儒可致身。誰知又別五陵春。青門  
獨出空歸鳥。紫陌相逢盡醉人。江島去尋  
垂釣遠。塞山來見舉頭頻。且須共漉邊城  
酒。何必陶家有白綸。

樂遊原春望

五陵佳氣晚氛氳。霸業雄圖勢自分。秦地

山河連楚塞。漢家樓殿入青雲。未央樹色  
春中見。長樂鍾聲月下聞。無那楊花起愁  
思。滿天飄落雪紛紛。

黃雀行

欲竊高倉集御河。翩翩疑渡畏秋波。朱宮  
晚樹侵鶯語。畫閣香簾奪燕窠。踈葉暗棲  
寒露重。空城飢噪暮煙多。誰令不解高飛  
去。破宅荒庭有網羅。

長安寓居寄柏侍郎

霜輕兩鬢欲相侵。愁緒無端不可尋。秦女  
紅粧空覓伴。郢郎白雪少知音。長亭古木  
春先老。太華青煙晚更深。獨向灞陵東北  
望。一封書寄萬重心。

春日思歸

春情不斷苦連環。一夕思歸鬢欲斑。壯志  
未酬三尺劍。故鄉空隔萬重山。音書斷絕  
干戈後。親友相逢夢寐間。却羨浮雲與飛  
鳥。因風吹去又吹還。



朔中即事

關門南北雜戎夷。草木秋來即出師。落日  
風沙長暝早。窮冬雨雪轉春遲。山頭堠火  
孤明後。星外行人四絕時。自古邊功何不  
立。漢家中外自相疑。

感懷獻門下相公

誰云卽選不由詩。上相憐才積有時。却是  
龍鍾到門晚。終非稽古致身遲。謀將郡印  
歸難遂。讀著家書坐欲癡。日望南宮看列

宿迢迢婺女與鄉比

一作鄰毘

贈長城庾將軍

初年三十拜將軍。近代英雄獨未聞。向國  
報恩心比石。辭天作鎮氣凌雲。逆風走馬  
貂裘卷。望塞懸弧鴈陣分。定擁節麾從此  
去。安西大破犬戎羣。

浙東獻鄭大夫

聖主東憂漲海濱。思移副相倚陶鈞。樓臺  
獨坐江山月。舟楫先行澤國春。遙想萬家



閑戶外近聞群盜竄諸鄰幾時入去調元  
化天下同為堯舜人

鏡湖夜泊有懷

東晉太守  
馬臻所築

廣水遙隄利物功因思太守惠無窮自從  
版築興農隙長與耕耘致歲豐漲接星津  
流蕩漾寬浮雲岫動虛空想當戰國開時  
有范蠡扁舟祗此中

宣州獻從叔大夫

清時選地任賢明從此觀風輟尹京日月

天中辭洛邑雲山江上領宣城萬家閭井  
俱安寢千里農桑竟起耕聞說聖朝同漢  
代已愁徵入拜公卿

賀同年翰林從叔舍人知制誥

仙禁何人躡近蹤孔門先選得真龍別居  
雲路拋三省專掌天書在九重五色毫揮  
成渙汗百寮班下獨從容芳年貴盛誰為  
比鬱鬱青青嶽頂松

吳門別主人

早晚更看吳苑月。小齋長憶落西窓。不知  
明夜誰家見。應照離人隔楚江。

自黔中歸新安

朝過春關辭北闕。暮參戎幕向南巴。却將  
仙桂東歸去。江月相隨直至家。

奉和鄭薰相公

三四株松匝草亭。便成彭澤柳為名。遙峯  
隱去難辭闕。澹水朝回與出城。  
及第後還家過峴嶺

魏馱山前一朶花。嶺西更有幾千家。石班  
魚鮓香衝鼻。淺水沙田飯遶牙。

春日旅舍

未識東西南北路。青春白日坐銷難。如何  
一別故園後。五度花開五處看。

過長江傷賈島

忽從一宦遠。流離無罪無人子。細知到得  
長江聞杜宇。想君魂魄也相隨。

自遣



永擬東歸把釣絲，將行忽起半心疑。  
青雲道是不平地，還有平人上得時。

寄曹鄴

終南山是枕前雲，禁鼓無因曉夜聞。  
朝客秋來不朝日，曲江西岸去尋君。

述懷

望月疑無得桂緣，春天又待到秋天。  
杏花開與槐花落，愁去愁來過幾年。

客洛酬劉駕

浮世總應相送老，共君偏更遠行多。  
此回不似前回別，聽盡離歌逐櫂歌。

題釣臺障子

君家盡是我家山，巖子前臺枕古灣。  
却把釣竿終不可，幾時入海得魚還。

題陽山顧鍊師草堂

若到當時上昇處，長生何事後無人。  
前峰自去種松子，坐視將來取茯苓。

聞金吾妓唱梁州



我嶺詩集 卷之十一  
聞君一曲古梁州驚起黃雲塞上愁秦女  
樹前花正發北風吹落滿城秋

游蜀回簡友人

別來十二月去到漏天邊不是因逢閨還  
應似隔年

贈涇州王侍御

一旦天書下紫微三年旌旆隴雲飛塞門  
無事春空到邊草青青戰馬肥

夏日宿祕書姚監宅

貴宅多嘉樹先秋有好風情閑離闕下夢  
野在山中露色浮寒瓦螢光墮暗叢聽吟  
麗句盡河漢任西東

過嵩陰隱者

當門看少室倚杖復披衣每日醒還醉無  
人是與非架書抽讀亂庭果摘嘗稀獨有  
江南客思家未得歸

留別山家

閑門不易求半月在林丘已與山水別難

為花木留孤懷歸靜夜遠會隔高秋莫道  
無言去真心在重遊

送人遊吳

楚田開雪後草色與君看積水浮春氣深  
山滯雨寒毘陵孤月出建業一鍾殘為把  
鄉書去因收別淚難

東渭橋晚眺

秦地有吳洲千櫓渭曲頭人當返照立水  
徹故鄉流落第春難過窮途日易愁誰知

橋上思萬里在江樓

送延陵韋少府

延陵稱貴邑季子有高蹤古跡傳多代仙  
山管幾峰微泉聲小雨異木色深冬去畢  
三年秩新詩篋不容

淮南送人歸滄州

風色忽西轉坐為千里分高帆背楚落寒  
日逆淮曛斷燒緣喬木盤雕隱片雲鄉關  
百戰地歸去始休軍



夏日題盤屋友人書齋

脩竹齊高樹。書齋竹樹中。四時無夏氣。一作一日三伏有秋風。黑處巢幽鳥。陰來叫候虫。 牕西太白雪。萬仞在遙空。

尋山

一逕入雙崖。初疑有幾家。行窮人不見。坐久日空斜。石上生靈草。泉中落異花。終須結茅屋。向此學餐霞。

送元遂上人歸錢唐

白衣遊帝鄉。已得事空王。却返湖山寺。高禪水月房。甬中過嶽黑。秋後宿船涼。回顧秦人語。他生會別方。

貽友人喻坦之

從容心自切。飲水勝銜杯。共在山中長。相隨闕下來。脩身空有道。取事各無媒。不信昇平代。終遺草澤才。

送友人往振武

風沙遙見說。道路替君愁。磧夜星垂地。雲



明火上樓征鴻辭塞雪戰馬識邊秋不共  
將軍語何因有去留

賦得長城斑竹杖

秦興版築時剪伐不知誰異代餘根在幽  
人得手持細看生古意閑倚動邊思莫作  
鳩形並空將鶴髮期

送德清喻明府

棹返霽溪雲仍參舊使君州傳多古跡縣  
記是新文水柵橫舟閉湖田立木分但如

詩思苦為政即超群

送薛能少府任盩厔

不才甘下第君子蹇何重相送昆明岸同  
看太白峰數瓢留頃刻殘照迫從容好去  
煙霞縣仙人有舊蹤

送許壽下第歸東山

吾君設禮闈誰合學忘機却是高人起難  
為下第歸出關心縱野避世事終稀莫更  
令秋夕相思望少微

冬夜酬范祕書

九衢行一匝不敢入他門累日無餘事通  
宵得至言命嗟清世蹇春覺閏冬暄翻覆  
吟佳句何酬國士恩

送陸肱尉江夏

如何執簡去便作桂帆期澤國三春早江  
天落日遲縣人齊候處洲鳥欲飛時免禍  
方三十青雲豈白髮

漢上送人西歸

幾作西歸夢因為愴別心野銜天去盡山  
夾漢來深疊浪翻殘照高帆引片陰空留  
相贈句畢我白頭吟

蜀中逢友人

自古有行役誰人免別家相歡猶陌上一  
醉任天涯積疊山藏蜀潺湲水遠巴他年  
復何處共說海棠花

寄范評事

行坐不相遺轅門載筆時雅知難更遇舊



分各長思夢即重尋熟書常轉達遲山齋  
終擬到何日遂心期

南遊過湘漢即事寄友人

南去遠驅逐三湘五月行巴山雪水下楚  
澤火雲生向野聊中飲乘涼探莫程離懷  
不可說已迫峽猿聲

送許渾侍御赴潤州

家山近石頭遂意恣東遊祖席離烏府歸  
帆轉蜃樓陰氣出海散落月向潮流別有

為霖日孤雲未自由

喜友人厲圖南及第

相憂過已切相賀似身榮心達無前後神  
交共死生承家吾子事登第世人情未有  
通儒術明時道不行

送友人下第歸越

歸意隨流水江湖共在東山陰何處去草  
際片帆通雨色春愁裏潮聲曉夢中雖為  
半年客便是往來鴻

寄友人

一別一相見，須臾老此生。  
客衣寒後薄，愁思夜深情。  
詩近吟何句，鬢新白幾莖。  
路岐如昨日，來往夢分明。

送友人下第歸宛陵

天涯長戀親闕下，獨傷春擬往還。  
求已須歸不為身，臨岐仍犯雪掛席。  
始離塵共泣東風，別同為滄海人。

秋夜對月寄鳳翔范書記

月過秋霖後，光應夜夜清。  
一迴相憶起，幾度獨吟行。  
河漢東西直，山川遠近明。  
寸心遙往處，新有鴈來聲。

送孫明秀才往潘州訪韋卿

北鳥飛不到，北人今去遊。  
天涯浮瘴水，嶺外問潘州。  
草木春冬茂，猿猱日夜愁。  
定知遷客淚，應只對君流。

八月十五夜對月

陰盛此宵中，多為雨與風。  
坐無雲雨至，看



共雪霜同抱濕離遙海傾寒向迥空年年  
不可值還似命道一作難通

及第後歸

家臨浙水傍岸對買臣鄉縱棹隨歸鳥乘  
潮向夕陽苦吟身得雪甘意鬢成霜況此  
年猶少酬知足自強

過巫峽

擁棹向驚湍巫峯直上看削成從水底聳  
出在雲端暮雨晴時少啼猿渴下難一聞

神女去風竹掃空壇

送友人往太原

離亭聊把酒此路徹邊頭草白鴈來盡時  
清人去遊汾河流晉地塞雪滿并州別有  
相思夜空看北斗愁一作明日相思起蕭條上北樓

旅懷

萬里共心論徒言吾道存奉親無別業謁  
帝有何門水宿驚濤浦山行落葉村長安  
長夢去欹枕即聞猿

送裴御史赴湖南

開門鳥道中飛傳復乘驄暮雪離秦甸春  
雲一作雪入楚宮平蕪天共闊積水地多空  
使府懸帆去能消幾日風

送姚邵先輩赴汝州辟

行李事寒天東來聘禮全州當定鼎處人  
去偃戈年雨雪依嵩嶽桑麻接楚田遙知  
清夜作不是借戎篇

初離黔中泊江上

去去把青桂平生心不違更蒙蓮府辟兼  
脫布衣歸霽嶽明殘雪清波漾落暉無窮  
幽鳥戲時向棹前飛

黔中酬同院韋判官

平生同所為相遇偶然遲各着青袍後無  
歸白社期江流來絕域府地管諸夷聖代  
都無事從公且賦詩

和范秘書襄陽舊遊

聽話揚帆興初從峴首還高吟入白浪遙



看出青山枯樹猿啼爽寒汀鶴步閑秋來  
關去夢幾夜度商顏

秋夜山中思歸寄友人

蕭條對秋色相憶在雲泉木落病身起潮  
平歸思懸涼鍾山頂寺暝火渡頭船此地  
非吾土淹留又一年

自黔中東歸旅次淮上

行旅本同愁黔吳復阻脩半年方中路窮  
節到孤舟夕靄垂陰野晨光動積流家山

一夜夢便是昔年遊

江夏春感舊

東風出海門處處動林園澤國雪霜少沙  
汀花木繁暖魚依水淺晴鴈入空翻何處  
陽和力生萍不駐根

眉州別李使君

一作眉山留  
獻張端公

回首雪峰前朱門心杳然離人自嗚咽流  
水莫潺湲毒草通蠻徼秋林近漏天一生  
從此去五字有誰憐

送許棠及第歸宣州

高科終自致志業信如神待得逢公道由  
來合貴身秋歸方覺好舊夢始知真更想  
青山宅誰為後主人

黔中罷職將泛江東

黔荒初罷職薄俸亦無殘舉目鄉關遠攜  
家旅食難野梅將雪競江月共沙寒南鬢  
愁應白何勞把鏡看

長安書事寄所知

帝里本無名端居有道情睡魂春夢短書  
興晚窓明老擬歸何處閑應過此生江湖  
終一日拜別便東行

酬姚覃

不見又相招何曾訴寂寥醉眠春草長吟  
坐夜燈銷淚墮思山切身歸轉路遙年年  
送別處揚柳少垂條

春日鄜州贈裴居言

雖將身佐幕出入似閑居草色長相待山



情信不踈燈前春睡足酒後夜寒餘筆研  
時時近終非署簿書

送于生入蜀

家吳聞入蜀道路頗乖離一第何多難都  
城可少知江山非久適命數未終竒况又  
將冤抱經春杜魄隨

送許棠歸涇縣作尉

青桂復青袍一婦榮一高縣人齊下拜邑  
宰共分曹逸部看袂插尋街聽繭繅封侯

萬里者燕領乃徒勞

友人話別

論交雖不早話別且相親除却棲禪客誰  
非南陌人半生都返性終老擬安貧願入  
白雲社高眠自致身

山居

欲出窮吾道東西自未能捲書一作簾誰對

鶴開畫一作卷獨留僧落葉和雲掃秋山共

月登何年石上水夜夜滴高層

寄范郎中

藜杖山中出吟詩獨范家相知從海嶠寄  
食向京華名宦成何報清眸未縱賒臨印  
夢來往雨雪滿褒斜

書懷

宦途從不問身事覺無差華髮初生女滄  
洲未有家却閑思洞穴終老曠桑麻別訪  
棲禪侶相期語劫沙

越中行



